

省耕集

16
2566



嘉永壬子新鐫



省耕集

德山 隨風堂藏版

省耕集序



聖人之世。無天災乎。堯有九年之水。湯有三年之旱。天災流行。雖聖人不能免也。惟聖人能畏天命。淡自剋責。視民之艱苦。如己推而納之溝中。夙夜勤勞以



門八 16
號 2508
卷

救之。俾一夫莫不獲其所。此所以為聖人也。嘉永庚戌歲八月。周防颶風暴起。發大屋。拔大木。禾稼悉損傷。民不得收斗粟。闔國大飢。德山侯深憂之。開倉廩糴于他邦。百方調恤。忘寢與

食。豪農大賈化其德。爭出金穀相振貸。是以雖遇古今未有之大災。而無一人餓且斃于途者。越明年。侯益盡心民事。輕裝小隊。周視封內。勸農省耕。問疾苦。恤窮乏。召見高年及孝悌力

田者。賜以錢穀。民感喜。相率竭
力隴畝。什倍平時。先是海漁所
獲絕少。及_二侯出而省民也。魚
介上網甚夥。雨暘亦時若。九穀
百蔬。以至山野卉木之實。莫不
豐熟。國人手額相慶。歡聲滿野。

蓋_一侯至誠恤民之心。有足動
天地而感鬼神者。故致豐年之
穰穰。置斯民於衽席之安。謂之
追堯湯之風猷。孰為溢美哉。
侯巡視之時。每撫景生感。輒詩
以詠之。文以記之。而侍臣亦相

酬唱。不覺成卷。名曰省耕集。屬
 信序之。信受而閱之。侯仁惠
 惻怛之意。藹然流溢。楮墨而侍
 臣體察君意。諷詠上德。殆有臯
 陶賡歌之遺風。筴則此卷也。不
 翊詩文精麗可觀。亦可以窺盛

德之一斑矣。故信不辭而序之。
 以為後世之龜鏡云。

嘉永辛夾大蟠月

昌平學教官安積信拜撰



西三史書

河三災書



信守之信受而問之
昌平學殊宮安蘇計耕對信
嘉禾卒夫夫大徵民上德殆有集
必為野世之盛贊云此春也不
對之六班矣姑計不獲而卒之

邨嘉平刻

省耕集卷上

詩

正月十三日巡視富田福川矢地諸村

岐陽名大江

晴風好天氣。一日出吾城。未作池塘夢。先觀田畝耕。紅霞鎖山脊。青草滿村程。此裏多春景。何遲緩轡行。

本城斐

光風淡宕日華明。一片征旄閃曉晴。行到青山最深處。隴頭立馬省春耕。

次韻

生田知穀

安積良齋云盡心於農政之意自見
不假彫飾而真情藹然

湖田十里夕陽明，雪後東風初放晴。他日重來秋定好，青山影裏見人耕。

歸途作

本城斐

已過松間又釣磯，海山和霧入依微。黃昏一路馬蹄雨，灑作千村膏露飛。

嘉永辛亥端月十有三日

公謁天地

應神祠路歷諸村，賜賚高年表孝子。節婦之閭，伏惟澤被庶民，仁及草木。臣光弼不堪感激之

至，恭賦小詩二章以獻

井上光弼

何論倉廩備凶荒，露冕行春問苦長。若贊召南風化

能叙恩澤甚佳

以梅花比甘棠
意思超妙

美梅花樹下亦甘棠

辟人喝道不曾催，孝子順孫閭里開。應是皇天添德澤，惠風膏雨一時來。

巡視下松諸村

岐陽

衣上輕寒曉色清，東峰日出散鴉聲。此行第一開心事，村落炊烟縷縷生。

嘉永四年端月念三

公巡視城東諸村親

問疾苦察風俗，臣光弼以具官員叨蒙扈從，感恩聊獻四韻一章。

井上光弼

不分南北與西東，已見熙熙春氣融。花柳繁華烟靄

仁君恤民之心
流動紙上措詞
亦高妙

情景俱盡可稱完璧

外山河形勝畫圖中十家計產漢文帝一豫省耕齊景公如問君臣相悅樂賦詩亦擬繼幽風

○正月晦日巡視生野河內粟野諸村

歧陽

句句含勸農愛民之意

春山拂黛馬頭迎為閱村田且出城呼婦再三勸蠶織屬農反覆教牛耕垂楊寺裡鶯千轉嫩麥畦頭路幾程步步默思救荒術此情尤異踏青行

又

同

花外踈鐘日午幽山蜂野蝶逐香遊吾人自是檢農事布穀聲中且少留

人君能知稼穡之艱難如此誠可尚也

雨氣如烟不作絲山連遠海暮雲垂忽然鞍上輕寒動思到無衣七月詩

又

梅地英

卜得新晴好吟鞍春正溫紅霞斜映海淡霧不遮村梅影臨流水草芽穿曠原惠風何有限吹徹幾閣門

又

同

殘星墜地炬光明一抹紅霞旭日生待駕已知人意喜路頭先送笑歌聲

又

同

喝道不須驚衆群，玉鞍只要省農勤。路傍草木山川綠，早已威風皆識君。

、又

同

華山山上日將斜，眺望聊登賣酒家。拾蛤人來畫圖裏，近如鷺步遠如鴉。是日栗野酒家某氏

恭觀

清和天皇家翰生野村木原氏所藏

井上光弼

數字銀鈎隻紙經，尚聞御墨駐餘馨。民間亦被負觀化，請看讀書存典型。世仕又王朝為爪牙，也知門閥自堪誇。相逢何事相

○
繼嗣十首
皆能叙村
落之景而其中
含君德詞句亦
巧廉可愛

迴避棠棣春風亦一家。吾井上氏系出河內守賴信木原氏系出賴信弟賴高世居甲斐信濃間

本城斐

不須戒於國，小隊趁鳴雞。公巡視封內而恐驚擾諸民乃以獵裝小隊發
日射菱花名北，鴉飛青石名浦。西輕輕炊靄動剌剌麥苗齊道左相迎者壺漿豈許携所在一切禁享獻又令從行者毫無所侵
野裝晨出城，且扈馬蹄輕。緩轡侵春色，單衫趁曉晴。
人家三四驛，山水十餘程。又息招提境，更放杖枝行。
憇于生野教應寺凡隨處或據鞍或徒步皆從便公

山影復山影，水聲還水聲。沿途憐歲儉，駐馬問春耕。

已賜高年老，所在召高年老贏者，八十以上賜錢，若

內村有更旌至孝氓，所在召孝子，賜錢，各有差，而其

百歲，以掛之於戶外，此制前古所無也。是日賜定知草

兼木，河內村女嘉彌者，以至孝之榜，蓋特事也。兼木，賈鄉里者，賜物各有差，凡

公親召諸民者，蓋近古所無也。晴色閃旌旄，春風鳴玉鑣。傍山爭掃道，架水更脩橋。

雪谷鶯先語，冰池魚始跳。一遊兼一豫，應入夏童謠。

星祠稍將近，鈴響隔林傳。是日詣下松，暫蔭召公樹

行倦則踞胡床而憩，不問樹下草上。偏憂祀國天，春泥猶帶凍殘雪。已

○

成烟捨馬且閑步，東風閱麥田。東林新出

曾聞開廩困，今見事行巡。哀此無聊者，欣逢有脚春。

暖融日生暈，風軟水成鱗。露冕郊村裡，幾回問苦辛。

舊城南畔路，于下松，後遷今德山。四望盡平田。佛

刹分春樹，風帆拂遠天。鷗多川上水，青柳浦下松浦別名

邊烟，却愛無涯景。來當玉馬前。

栗野村方近，晴光又不同。春流青滑笏，晚樹碧玲瓏。

白鹵千家竈，蒼波一棹風。巡遊無定處，水北復山東。

春深日馭遲，輕服已宜肌。傍轡飛霞動，停旗解澤垂。

山程竹成米，去年四月，封內及諸州竹生，米灣曲海

人採食之，今茲亦竹多成花云。濟曲海

○

○

○

○

○

○

○

多蚶災後海渚多生蚶蚶人取為食粟野最多亦識皇天意憫生無所遺

城近天將暮如行圖畫中輕陰釀膏雨淑景入和風

黃鳥啾啾轉桃花灼灼紅塗歌欲相獻應與二南同

○二月十四日巡視讓羽諸村

岐陽

以諸侯之貴盤旋于僻落之間可謂能體下民

輕風天氣好不厭路羊腸鳥各誇春轉梅猶欺雪香

○恭奉次 高韻

生田知穀

君德可想亦可

東風還扈從步步踏羊腸不厭山河迥頓看草木香

嵐光侵旆碧雪意閉雲黃自此寒村景温温添艷陽

同

梅地英

家稀塵跡絕幽寂協吟腸衣自隨風拂顏猶帶酒香

偏嫌途曲折更恨日昏黃脚倦知歸遠山陰又水陽

扈從讓羽村五首

本城斐

暖入荒村殘雨紛東風習習土花薰芒鞋不厭省耕

遠更踏青山幾疊雲

一條鳥道入雲峰幾簇人家隈亂松也識香臺已非

遠隔林時打午時鐘是日憇于大享寺

行覺雲烟生草鞋崩沙亂石路高低東風不阻深山

底一樹梅花照水西

○路入荒村古風在况逢恩意十分頒應無虞芮間田
地人住讓山讓水間

勸農歸 駕易黃昏無限 主恩斯際存亦識春

風及枯骨殘雲斜日古城門地名

、讓羽村

井上光弼

深樹鳥啼山更幽人家落落占田疇寄聲莫作村名

辱一道潺湲讓水流

○二月十六日巡視須磨縣 岐陽

殘星數點未沈光為閱窮氓問遠鄉曲折芒鞋嗟鳥

道崎嶇藜杖奈羊腸水流噴沫千巖雪梨樹留寒曠

野霜二十二村民隱在孤牀終夜太心傷

○過戶谷嶺 十七日作

同

鳩婦呼晴雨氣收茅鞋竹杖遠探幽嫩黃野菜嫩青

麥種到雲山最上頭

扈從須磨縣三首

梅地英

玉駕無端向醉溪豈堪藜杖踏春泥逢人休問須磨

路一帶清流曾不迷

山程渺渺度嶙峋十里鳥啼梅色新纔隔一峰候全

異半痕殘雪李花春

間聽水聲過幾灣斷崖絕壁路彎環山中二月寒猶

足見農民力作之勤便是公德化所致

甚製紙家家冰雪間

又二首

同

小徑纔容駕旗槍不列行山重還水復鳥道且羊
腸地僻春猶淺林深趣自長漸聞雞犬響已絕市塵
忙

望中雲斷處遙見石州山形勢高憑嶮風流更愛閒
連岡渺何極狹路杳難攀小憩平岩上梅花有笑顏

扈從須磨縣十首

本城斐

離郭天猶夜又過千疊山炬明萬松外月落亂峯間
霜重偏愁冷路危無奈艱曉鴉時一叫早已近前關

未明至墨嶺嶺上乃我封界也

戴星還扈陪緩緩過林隈馬足春泥滑旌旄曉色來
雲霞紅斷續流水碧滌洄初識山村景眼明何爽哉
一嶺纔過盡寒暄又忽分人家入山少雞犬隔林聞
鳥道留殘雪馬蹄衝疊雲詩成記風土應獻聖

明君

行行曾不窮徐度翠微中渡瀨川名即須磨川上流春流碧滑
陂名山朝日紅路迷山向背人住水西東麥苗秀膏雨
屢問歲凶豐

木末懸危路天風衣袂輕野花曾按譜溪鳥不知名

空翠濛濛濕浮烟漠漠生青峰豈無待一笑忽相迎
 青山殊不惡嵐影吐還吞林合疑無路鷄鳴忽有村
 夕陽低遠岫春水漲新痕入眼皆詩本慙吾不得言
 如往還如復程程知幾彎峯青人境外嵐紫夕陽間
 渠漲村春急林深歸鳥閑遙天橫白雪應是石州山
 雲峰攀佛嶺雪棧入須磨村樹竈烟裊崖田楮穀多
 皆楮田也阿樵舟剪波遡烏鬼掠魚過解澤今方遍待
 看擊壤歌

潘侯仁恤
 之意父老感戴
 之心觀此作可

千山鬱四圍嵐氣滴征衣殘雪迎暄淡輕雲籠日微
 有家皆製紙凡縣內以紙代租稅無處不穿薇居人多掘薇根以為生產

知所謂詩史即是

父老泣相說何圖見畫旂七十年前隆興公獵于綠山遂省方到須磨今相携拜儀於路傍往往有流涕者

邃僻兼窮谷春風隨處溫日融峯雪影暖入野燒痕

涉遠何辭苦省方皆感恩堯仁今更洽二十二山村

縣內有二村

須磨途上

井上光弼

節非寒食少炊烟墾破青山盡楮田采葛人歸何處
 是數家籬落水潺潺

婦汲澗流夫拾薪不遭凍餒不知貧窮村寧待文翁
 化自是淳風太古民

二月二十四日巡視戶田富海二首

岐陽

○
仁人之言天地可格

戴星清曉卜新晴，搖曳宿雲山上橫。沙石花間一條水，人家竹裏數聲鶯。行看菜色憐民瘼，更聽塗歌閱俗情。粒粒苦辛好湏察，今年梁稻去年耕。

春風二月放晴時，一豫今朝事亦宜。菜圃嫩黃迷蝶意，柳塘新綠上魚兒。櫓聲靜逐山容轉，日影融搖水脉遲。酌酒侍臣無別事，吟囊相和省方詩。歸途就舟

、又 同

萬象熙熙二月天，野花燒浪影將然。春風不攪華昏

夢一路溶溶下水船

、恭奉次 高韻 飯田篤宗

逍遙露冕遠乘晴，東陌西阡和氣橫。德化元同尚風草，嚶鳴况遇醉霞鶯。市民淚下救荒政，野吏恩深養老情。已識今秋豐兆在，一犁膏雨足春耕。

、又 同

節近清明三月天，無邊芳草正蒼然。賜杯霑醉春如海，風靜恩波融蕩船。

○舟中恭賦一律以獻 井上光弼

又艤鷁船離岸行，迴帆鼓送幾聲聲。烟連野草鴨頭

能叙實事
仁德如親
公

綠浪襯夕陽魚尾頰賜宴諸臣恩更遍乘春半日意非輕尋常一樣堪憐景轉覺湖山入眼明

公巡視戶田富海是日臣斐不從焉歸後賜示其往反所得之高製乃拜手賡歌

本城斐

飽挂征帆趁晚晴長波灩灩入空橫烟霞邑屋參差出罨畫峯巒取次迎往昔江山經幾戰茶臼山在富海大內輝弘死于此若山在矢地即陶晴賢之墟祗今花柳不堪情一篇好句憑舷賦望斷遙天白鳥輕

唯合救時無後時晴郊侵曉事相宜勸農每憇召公

樹取醉違尋習氏池露壓花梢鶯語滑春融橋畔馬蹄遲非才未頌聖明化翻賜七襄雲錦詩

二月二十八日巡視川曲大道里南野諸村

岐陽

青靄籠山日未紅水流影白澗溪中滔滔更見如翻浪十里輕搖翠麥風

黑巖嶺次生田知穀韻同

和糴悠悠舟路遙登臨試且破烟霄遠空一片白如和知是春帆富海潮

出郭作

本城斐

派展

雨晴溪水碧潺湲習習輕風吹面温不厭勸農侵曉
去春星影動杏花村

途中

生田知穀

曉從小隊出郊坵處處鶯聲隔樹聽請看農家好風
景滿田嫩麥接山青

過黑巖嶺

同

露冕行春不厭遙忙如仙鶴度雲霄何妨且在青山
上眼下近看千里潮

大道里二首

梅地英

桃源近隔碧嶙峋到處熙熙氣象新黃髮垂髻眼中

滿路頭都是拜

君人

路隨溪水一村村柳樹鎖烟春未暄杖上縱無一瓢
酒君恩多處有餘温

又

同

小隊穿林出僅容麋鹿通天光晴最好野趣望何窮
鶯帶歡聲轉山交瑞氣籠請看春草色無不仰仁風

大道里途上

本城斐

路入溪雲細綫懸行行已在夕陽邊深山何處人燒
炭遮斷青林一道烟

大道里大向二村多出硬木炭

從大道里抵南野途中

岡部篤計

踰山初見海，海隱又過川。面面麥田綠，人歌堯舜天。

、同

本城斐

春山如笑，午霞明。俯聽潭烟瀝水聲。此際青苗曾不到，鄭家閒却畫圖情。

、四月十四日巡視大津洲雲諸島

岐陽

造次不忘民何等仁厚

彩鷁無端又弄晴。天將真景慰閒情。群鳧雙鴨沈還泛，後嶺前山送且迎。柔櫓風輕舟若睡，微波畫穩水非爭。此中幽趣尤難得，但恐貧民夢不成。

、其二

南巡一棹小舟輕，無限蒼烟萬里晴。白鷺雙雙伺魚立，殘鶯各各惜春鳴。山含黛色迎詩味，水剪綾紋碎櫓聲。看到災餘窮島處，滄桑又是幾多情。

、其三

依本城斐韻

大津洲畔衆峰前，記昔此間曾放船。災後風光非舊日，眼中悵恨付新篇。柳條如夢空眠岸，草色無情遠接天。却是清和好時節，滿懷悒悒鎖雲烟。

、舟中作

岡部篤計

畫檣錦纜發濱浦，光容與舟行似陸行。齊唱定風波一曲，為君今日祝昇平。

嘉永辛亥四月十四日

公觀於天津天浦

洲雲諸島賑貧窮給鰥寡以去秋風雨暴烈饑

者衆多之故也此日天晴風穩波光瀲灩舟容

與行命陪從者作詩賜韻庚 松岡豹

積粟裹糧方啓行災餘窮島見恩榮蠶村漁戶炊烟

冷亂石崩沙浦岸傾山脊闢田認農力海濱煮雪代

牛耕一人啼泣誰能樂為政要須知衆情

此行自異每常行巡撫島民元匪輕雲豈無心歸遠

岫天如有意放新晴經春山樹皆榮色成隊水禽多

喜聲恥愧微臣在舟尾不將鑿國答昇平

音靖

天掃陰雲快意晴四山青翠總敷榮豫遊無乃諸侯
度補助不辜仁主名熬鹵鹽田多利澤欲秋麥壟免
租征島人生捕獻紅鬣刺眼金鱗活潑明

扈從諸島三首 本城斐

遨頭須及浣花前又向江邊放鷁船島岫晴披小圖

畫煙霞朝入好詩篇青雲且忘一肱夢白鷺將馴萬

里天知道樂山兼樂水棹歌相送破蒼烟

蘭橈一日窮洲島竹落松灣容與過臨水人家僂亂

石連雲壟麥蘸平波清江無稅漁樵樂僻地有恩童

稚歌共說年年望旌旆伊鴉聲和鼓聲多

島民爭出輕舸以挽

其聲甚和

清波曲曲照眸明，况復樵風引棹行。山扼海門形勢壯，樹連天北暮嵐平。遙空殘日猶三尺，遠浦歸舟定幾程。闔境真知膏澤遍，鳥魚亦合荷恩情。

一星石歌 有引

石者在于大津洲，天正十一年，豐太閤築城於浪華，我天樹公亦助役採石於此，其殘餘三十許，今現存各各有印記，冒一星以畫一，因曰一星石。今茲初夏仲四，公巡視諸島，便路往而觀之，臣斐亦得從焉，慨然

然依蘇子瞻石鼓詩韻賦以獻

同

維歲癸未月在丑，豐公下令戒國史，急課築成浪華城，城樓跨雲鬼神走，當時我公與彼和，對軍歎血血在口，臨事濡滯是女兒，助役不肯落人後，秦鞭驅石石亦驚，混沌鑿竅未要九千里，輸致海路遙，寫來奇功欲輯柳，今公停橈一觀之，猶疑萬古落星斗，其上可坐數千人，抱之又知連十肘，既直且方三十許，擲置蓬蒿與藜莠，左右動色皆咨嗟，磊奇千古誰能友，摩挲低徊不能去，百年知彼如鷄鼓，况又

畫一與一星煌煌何用刻蝌蚪憶昔

先公畧十

州幕下將士多黃耆義戈一揮殪陶姜群雄相走受

指嗾况復貢獻奉

天子天子遣使賜二百一時謳歌四疆多奏功更欲

附矇眛廟謀當賴兩川公助役功成比岷嶺約

法興學干戈際想君勇武兼仁厚一時任使皆

人豪不知督之定誰某沈吟往事三百春及知

諸公此石有梁武何心佞塑佛秦皇徒知重鞭柶四

海纜一身已終可憐豺狼迫豚狗何不制變於未形

如君事業元無偶奢極亡隨古所云何知徭役是亂

首長城不守資後人金甌無缺供攻掎譬之舉肉投

群虎不怪哮吼交奪取如何此石護舊封不受敗軍

黃埃垢樵蕪相戒不相襲何用區區竭力守况今我

公法 祖宗欲使膏澤垂不朽挽回國勢豈

無力長期千億比汝壽

濱崎舟次奉迎感而有賦 井上光弼

湖山翠色晚來多伊軋聲中送棹歌欲記庶民膏澤

徧濟川舟楫悉恩波

二月念七發德山

以下附從奈古屋執政代
公省視奈古村之作

同

漸出府城過野橋，風吹細草水聲饒。他人不識公程急，屢揭輿牕看斗杓。

二十九日款城邸舍呈芳齋大夫

處處小桃猶未酣，斜風細雨近重三。明朝欲問蒼生苦，應有清廉入美談。

同

三月一日柰古村途上口占呈柰古屋執政兼似望月縣令

勸農又入杏花村，并記佃漁利兩存。粒粒如知出民力，鱗鱗孰不飽君恩。移風未得向淳化，獻策豈

無慚素餐。回首茫茫雲海遠，把懷古跡且堪論。

三日發柰古途上矚目

同

一條細路傍青山，雪浪淘沙灣復灣。應是春風報時節，桃花深處鳥懸蠻。

省耕集卷上

Blank space for text on the right page.

省耕集卷下

文

巡視福川矢地諸村記

岐陽

風災後欲問民之疾苦而察下情也越嘉永辛亥正月十有三日侵曉過田間見麥苗長未過一二寸余恐下民乏食使吏每村問其阻饑者過川崎抵富田又遠平野山經福川而至矢地所至皆召高年孝子力田及賑救窮民者加恩賞各有差事畢而還或據鞍或徒步至富田天暮雨亦踈踈來遂就輿入城夜既二鼓



巡視下松諸村記

同

今之諸侯皆留意恤民若侯則國何憂不治惟逸豫溺心可概也

正月念三巡東方問民之疾苦者如仲三巡西方之日時曉光微寒或上鞍或任步斜經田路渡橋越山過遠石諸村每村命吏詳問民之所產檢其食何物且察土地之肥磽籍農人之勤怠蓋欲自知稼穡之艱難也嗚呼高位之人非必皆不知焉然逸豫易溺心是予之所以日夜兢業恐不及也日近午憇于下松磯部某家食畢乃集高年孝子力田以下賜物有差皆感喜至淚下余亦深察其情不覺拭涕嗚呼虫之氓其情豈有他哉其不治者以上失治術之故

服從

也遂上歸途休船莊又還城下休客館並召諸民賜物皆如初暮時歸館

巡視須磨縣記

同

辛亥二月仲六冒曉出郭殘月在天風氣輕寒乘兜子入山石道狹隘從者不得成列名曰榮谷四顧皆山身與山轉迴溪流激石噴雪漸過墨嶺則平野廣田乃煤間村也又行數里東方欲曙初辨人面巖谷皆留雪寒漸甚山巔橫紅雲日既上三竿休于城某家某者數世名族也所挂畫一幀及屏風六曲畫皆極雅古足娛心目饌畢跨馬而行未一里途又甚狹

且滑澁難騎行，乃捨馬而步，愈進愈狹，石傍高山，左臨深谷，每一舉趾，惴惴乎惟恐陷也。行三里餘，體倦，至戶谷村，少憩于岸村氏，啜茶。上戶谷嶺，小徑最難進，重嶺傑嶂，一里可抵二里，下降下陟，行步益倦。始達樂樂谷，又攀佛嶺，遂登絕頂，無人家，求廣平地而息。下山二里餘，忽見一條匹練，搖曳乃湏磨川也。其源自石州界而出，經庶野，大向長尾而至於此。又過山城，至岩國，入海，多產香魚，其味異他。漸達宮原，日已傾，乃就館，命吏賜民有差。凡此縣在深山中，窮乏最甚，乃又戶給鹽及雜穀。天欲暮，雨色乍催，乃命燈

能以諸侯之貴
冒雨入峻峯窮
谷之阻其用心
於民事可謂至
矣

談論或與侍臣賦詩聯句，四更就枕，簷滴甚至，一鼾
齶之間，鄰雞已唱，滴聲未歇，憂泥塗之艱，整旅裝以
待霽，而雨益甚，乃乘筍兜而發行，半里許，逢山崩塞
路，使人治之，乃得通過。兼田將登佛嶺，道滑不得乘
輿，著芒鞋，倚竹杖，至絕頂，小憩焉。頃之欲下，傘忽為
暴風所奪去，斜雨侵膚，泥塗益困。既而雨少歇，意漸
豁，及戶谷村，晴景微暖，殆生汗。又至煤間，午飯遂下
榮谷，過一堰，晡時歸館，乃援筆記之。

巡視川曲大道里南野諸村記

同

仲春念八巡視西北諸村時已春半晴景最足賞過北山村行數百步路已狹而遠村里每進一步險益甚號中山嶺經別所至川曲憇三嶋祠中羊腸轉廻如上青天足與目謀誤則為石所嚙從者難成列僅魚貫行而已是為黑巖嶺至絕頂則蒼海在眼下霞晴日融白帆往還可數也又蛇折而進山容變景漸入深谷中左右高峯相屬亦佳經山口踰鬼嶺至大道里而飭焉又徐行上途凡山中路極狹窄難用輿馬徒步著芒鞋行數里且休且進經野畑下妙見阪至南野保安寺一茶而去至上野謁八幡祠祠中有

古松傳言往昔廟神之所降也不知果然否下山數百步路始坦廣騎馬過土井經川崎背夕陽而入城此日所至施窮賜老賞力田孝子咸沿巡他村之例

省耕集卷下

此。乃。名。於。世。而。不。為。人。所。知。其。故。何。也。曰。夫。名。者。實。之。歸。也。實。不。著。則。名。不。立。夫。名。之。立。也。必。有。實。以。稱。之。而。後。可。也。若。夫。名。之。不。立。而。實。已。著。者。此。其。所以。為。人。所。知。而。不。為。人。所。知。也。夫。名。之。不。立。而。實。已。著。者。此。其。所以。為。人。所。知。而。不。為。人。所。知。也。

跋 警予之嫌。為。嘗。子。事。自。責。

洪範八政。食居其首焉。食之為重。固昭昭矣。然信之所關。又為最重。故曰。民無信不立也。嗚呼。是聖人之至言歟。此編我公救荒之一斑。雖不能悉其全。然當時優恤之典。與君民一

體上下同憂之情。宛然在目。使
觀者愴然淚下。况親仰德容
者乎。竊聞至言。此誠非
公之所至。雖蚩蚩之氓。皆感恩
洞徹肺腑。不啻孺子於慈母。豈
可不謂上下交孚乎哉。抑冀書
有警予之歎。成湯嘗七事自責。

盖
公亦將益勵精圖治也。則君
民同樂。上下愈孚。雄篇大作。鳴
其至治之盛者。將繼乎此編而
作矣。

臣 庄原 懿 謹 撰
臣 中村 春秀 謹 書

